

No. B.11017/4/2021-AGR  
GOVERNMENT OF MIZORAM  
AGRICULTURE DEPARTMENT

Uploaded  
4/7/23

NOTIFICATION

Dated Aizawl, the 28<sup>th</sup> June, 2023

As per approval of the Council of Ministers in its meeting held on 18<sup>th</sup> May, 2023 at 10:30 a.m. and in the interest of public service, the Governor of Mizoram is pleased to notify **Policy for Promotion of Collective Farming in Mizoram and Operational Guidelines** enclosed in the Annexure with effect from the date of issue of this Notification.

Sd/- Dr. LALROZAMA, IAS  
Secretary to the Govt. of Mizoram  
Agriculture Department  
Dated Aizawl, the 28<sup>th</sup> June, 2023.

Memo No. B.11017/4/2021-AGR

:

Copy to :

1. Secretary to Governor, Mizoram.
2. P.S. to Chief Minister, Mizoram.
3. P.S. to Deputy Chief Minister, Mizoram.
4. P.S. to Speaker/Ministers/Ministers of State/Dy. Speaker, Mizoram.
5. Sr. P.P.S. to Chief Secretary, Government of Mizoram.
6. Director of Agriculture, Government of Mizoram with a request to circulate to all concerned.
- ✓ 7. Deputy Director (Extension) for uploading on the Department website.
8. Guard File No. 28.

Sanghvi 28/6/23  
(SANGKIMI)

Under Secretary to the Govt. of Mizoram  
Agriculture Department

**POLICY FOR**

**PROMOTION OF COLLECTIVE FARMING**

**IN MIZORAM**

**&**

**OPERATIONAL GUIDELINES**



DEPARTMENT OF AGRICULTURE

**AGRICULTURE DEPARTMENT**

**GOVERNMENT OF MIZORAM**

# **POLICY FOR PROMOTION OF COLLECTIVE FARMING IN MIZORAM AND OPERATIONAL GUIDELINES**

## **1. COLLECTIVE FARMING POLICY CHUNGCHANG:**

Collective farming in a tum chu zâu/khaw khata awm leilet neitu/enkawltute zawn chhuah a, Farmer Producer Organization (FPO) pawl din sak a ni. Heng FPO te hi Micro-Enterprise (Cooperative Societies, PACS, etc) leh Service Institution (Bank) kaltlanga buh leh thlai thar chhuah leh hralh kawnga inkhaidiat tha zawk leh hlawk zawk nei thei turin hmalakpui an ni ang. Tin, heng FPO te hian thlai chin dan (cropping pattern) mumal tak neiin an leilet te an enkawl ang a, fur (Kharif Season) ah buh chingin thal (Rabi Season) ah sumchang thlai an ching leh ang.

## **2. A THIL TUM TE:**

1. Leilet neitu/enkawltute chu Farmer Producer Organization (FPO) anga hlawmkhawm a, buh leh thlai dangte an chinna kawnga hmalak dan tha zawk, hlawk zawk leh tunlai zawk te awlsam taka an zirho theih nana kawng siam sak.
2. Pawl dinna (Group formation) te, FPO a inziahlhuna (registration) te, hmanraw chi hrang hrang leina turte mai bakah an thiamna te an tihpun (Human Resource Development) leh pawl anga thawhhona tha zawk (Social Capital Development) te chak zawka an kalpui theih nan hma lakpui a, a theih chen chena tanpuina pek.
3. Leilet neitu/enkawltute ten Sawrkar leh Bank atanga tanpuina an dawn theihna tur leh an buh thar chhuahte sumfaia an chan tir theihna tur kawnga harsatna hrang hrang awm thei te sut kian sak.
4. Leilet neitu/enkawltute buh leh thlai an chinna kawnga an tui zawng leh phur zawng te chhawm nun sak.
5. Leilet neitu/enkawltute ten a zâu (cluster) ang zawnga buh leh thlai chi (variety) thuhmun chin, thar chhuah leh hralhna lamah hlawk zawk leh awlsam zawk kawng an hmuh theihna tura remchang siam sak.

## **3. LONEITU A HUAM THEIH TE:**

He policy hi Mizorama leilet neitu/enkawltute tana siam a ni ber a, 1 bigha (**0.25 Hectare**) a zau ram nei chin te an tel thei ang. FPO te hi member tam dan a zirin Category I leh II ah then a ni ang:

**Category-I** (51-100 members)

**Category-II** (20-50 members)

- 4. A HUAM CHIN:** He Policy hi Mizoram pumpuina kalpui tura ruahman a ni. Autonomous District Council area te erawh a huam lo ang.

# COLLECTIVE FARMING POLICY KALPUI DAN TUR INKAIHHRUAINA (OPERATIONAL GUIDELINES)

## A. THUHMAHRUAI

Leilet neitu/enkawltute chu Farmer Producer Organization (FPO) din sak in, heng FPO tin te hian Equity Grant leh Corpus Fund an dawng ang a, hemi bakah hian AIF (Agriculture Infrastructure Fund), NABARD, NCDC (National Cooperative Development Corporation) leh SFAC (Small Farmer Agri-Business Consortium ) atang te pawhin tanpuina sumfai an mamawh dan azirin an dil thei bawk ang.

## B. FPO TEN COLLECTIVE FARMING AN KALPUI DAN TUR

**B.1. Collective Farming:** Collective Farming in a tum ber chu leilet neitu/enkawltu ten a huhova (Joint Enterprise/Society) buh leh thlai chin an kalpui theih nana ruahmanna siampui a ni. Leilet neitu/enkawltute an ram neitu nihna hloh lova leilet neitu/enkawltu dang te nena a huhova an buh leh thlai dang chin tur te, a chin hun turte, buh leh thlai enkawlna tura mamawh hrang hrang lei khawm te, buh leh thlai chin kawnga an thiamna neihte inzirtir tawn a, hlawk zawk leh tam zawka thar chhuah an neih theihna turin ruahmanna fel fai tak siam pui an ni ang.

### B.2. Hlawk zawka Leilet enkawl dan tur:

Leilet neitu/enkawltu ten an ram neih te kaikawp a, zau zawka a huhova buh leh thlai an chin hian a hlawk bik em em a ni.

#### i. Collective Farming hmanga hmalakna tur te:

- A huhova Tractor, Rotovator, Transplanter, Multi thresher leh Harvester/Paddy reaper hman.
- Hemi bakah hian khawl leh hmanraw dang te pawh a huhovin hlawk zawkin a hman theih dawn bakah an tharchhuah te rate mumal takin an hralh thei ang.

FPO te chuan anmahni sum theuh hmangin leileta buh leh thlai dang ching tura inbuatsaihna atana mamawh buh leh thlai chi, leiṭha, hlo thahna, thlai natna leh rannung venna damdawi te chu buh leh thlai chin hun hmaa leiin an lo inhmakhua tur a ni. Hetia an mamawh turte an lo lakkhawm lawk hian an leileta an hman tur leiṭha, thlai natna enkawlna, rannung venna leh thildang te a hun tak zela hman tur an hmuh theih phah dawn a ni.

#### ii. State Sorkar atanga chhawmdawlina:

State Agriculture Department in heng FPO din thar te hi kum thum (3) chhung chu ṭha taka an inenkawl nan leh dinchhuah theih nan chhawmdawlina pek dan a

ngaihtuah ang. Hei hi FPO-a member te inkara inlungualna leh thawhhona tha zawk siam nan leh sumdawanna lama kan leilet enkawltute kan hruai luh ngei theihna tur atana tih a ni.

**Tanpuina pek dan tur:**

- a) Equity Grant : Farmer Producer Organization (FPO) member tin te hnenah Equity Grant Rs. 2000 per member ruahman a ni a, Rs. 1000 chu Sorkar in tum sak in cheng Rs. 1000 dang hi chu member tin ten an thawh (Farmers’s contribution) ve tur a ni.
- b) Corpus Fund : Farmer Producer Organization (FPO) te tan Corpus Fund dah a ni ang a, a pek dan tur chu a hnuai mi ang hi a ni ang:

<b>FPO-a Member</b>	<b>Corpus Fund ruahman zat</b>
75-100	Rs.2.00 lakh
51-74	Rs 1.50 lakh
35-50	Rs. 1.20 lakh
20-34	Rs. 1.00 lakh

Corpus Fund hi Installment hnih (2) a pek tur a ni ang.

- Ist Installment - 50%
- IInd Installment - 50% (1st Installment Utilization Certificate thehluk hnuah pek chhuah ani ang.)

**C. FARMER PRODUCER ORGANIZATION DIN DAN TUR**

Khaw khata leilet neitu/enkawltu awm zawng zawng te kan hriat hnuah zâu khata awm emaw zâu inhnaih deuh a awm leilet neitu/enkawltu te chu FPO khata awm tura thlan chhuah tur a ni. Khaw khata leilet neitu/enkawltu te hi sawmhnih (20) an tling pha lo a nih chuan khaw khat aia tam pawh hlawmkhawm an ni ang.

FPO din dawna hriat tur pawimawh te:

1. Leilet neitu/enkawltu tam dan azirin khua/zâu hi thlanchhuah ani ang.
2. FPO member te chu ram 1 bigha (**0.25 Hectare**) nei chin an ni tur a ni.
3. FPO member te chu khawl lei te, buh thar chhuah te leh a hralh lam ah te a huhova an kalpui theihna turin zâu/khaw pakhat ami emaw zâu/khaw inthenawm hnai ami an ni ngei tur a ni.
4. FPO hnuai inziak lut tur te chu kum 18 tling an ni ngei tur a ni.
5. Mi leilet hawha buh leh thlai chingtu te pawh ram hawhna lehkha (Lease Document) mumal tak an neih chuan FPO-ah an inziak lut thei ang.
6. FPO pakhat hnuai member ziah luh theih zat:
  - a) Category-I (51-100 members)
  - b) Category-II (20-50 members)
7. FPO te hian pawl inkaihruaina tur Dân (Bye-laws) an nei ang.

8. FPO te hi The Mizoram Societies Registration Act, 2005 hnuai ah an in register vek tur a ni.
9. FPO tana bungrua, hmanrua leh khawl lei te chu rualkhai zawk leh hlawk zawka hman anih theih nan FPO member te chu zâu/khaw khat emaw zâu/khaw inthenawm hnaia awm an nih a pawimawh hle a ni.
10. FPO te chuan an awmna khaw hming an pu tur a ni - (*Village*) Farmer Producer Organization.
11. FPO te chuan Bank ah an FPO hmingin Savings Account an hawng tur a ni.
12. FPO meeting hi thla khatah vawi khat tal neih tur a ni.

#### **D. FPO TE LEH DEPARTMENT OFFICIALS TE TANA TRAINING**

District Level Committee ten an District a FPO ten tanpui an mamawhna kawng hrang hrang te zirchiangin training te, khawl leh thiam thil chhuak thar inzirtirna (agriculture technology demonstration) te leh exposure visit te an huaihawt thin tur a ni.

Collective Farming hi hlawhtling taka kalpui tur chuan FPO Office Bearer te leh Department Officials te chu a hnuai ah tarlan ah te hian training an kal ngei tur a ni:

1. Mumal zawka buh leh thlai chin leh hralh dan.
2. Sum leh pai fel taka vawn leh ziah fel dan
3. Leilehna khawl leh hmanrua te tangkai leh hlawk zawka hman dan.
4. Buh leh thlai chin kawnga harsatna hrang hrang sutkian dan.
5. FPO anga mumal taka kal dan tur.

#### **E. FPO TEN REGISTER BU AN VAWN TUR TE**

- Meeting minutes Book
- Cash Book
- Loan Ledger
- Machinery register
- Farm inputs register, etc.

#### **F. FPO TEN DOCUMENT LEH THILDANG AN VAWN TUR TE**

Documentation hnuai ah hian FPO-a member in hlawmkhawm te ram inrina felfai taka tarlan anih theih nan Field Map siam te, thlabi-a meeting te, exposure visit te, a huhova thlai chi leh thlai enkawl na dang lei te, buyers-seller meet neih te, khawl leh hmanrua lei te leh activities dang te mumal taka a ziaka dah that tur ani.

## **G. ENDIK LEH ENFIAH HNA**

He Policy hi hlawhtling taka kalpui a nih theih nan stage hrang hranga enfiah leh endik turin State Level leh District Level Committee din tur a ni. State Level Committee ah chuan a hnuai mi te hi an awm ang.

### **State Level Committee**

Secretary, Agriculture Department	-	Chairman
Director, Agriculture Department	-	Member Secretary
Director, Horticulture Department	-	Member
Chief Engineer, Irrigation & Water Resources Department	-	Member
Director, Land Revenue & Settlement Dept	-	Member
Director, Land Resources, Soil & Water Conservation Department	-	Member

District Level Committee ah chuan a hnuai mi te hi an awm ang.

### **District Level Committee**

Deputy Commissioner	-	Chairman
District Agriculture Officer	-	Member Secretary
District Horticulture Officer	-	Member
Executive Engineer, Irrigation & Water Resources Department	-	Member
Settlement Officer, Land Revenue & Settlement Department	-	Member
District Officer, Land Resources, Soil & Water Conservation Department	-	Member

State Level Committee hian District Level Committee in FPO din tura rawtna a siam endikin phalna (approval) an pe ang a, FPO hrang hrangte hmalakna leh hmasawn dan an enfiah bakah Collective Farming kalpui zel dan tur Sawrkar ah an thlen thin ang.

District Level Committee hian FPO a tel tur WRC farmer te zirchiangin zâu (cluster) huamchin tur te an enchian hnuah FPO din tura rawtna State Level Committee ah an thlen ang. FPO hmalakna leh hmasawn dan an endik ang a, an report chu State Level Committee ah an thehlut thin ang.

Heng inkaihruaina dan te hi thlak ngai emaw belh ngai a awm anih chuan State Level Committee in a ti danglam thei ang.